

محمد الحسني

عباد الفضل

شـ



نقرو للنشر

الكتاب : عباد الضل
المؤلف : محمد الحسنى
الطبعة : الثانية ٢٠٠٥
الغلاف : للفنان / عمر جهان
جمع الكتروني : حسام الدين سعد الدين
رقم الإبداع : ٨٩ / ٧٣٧٢
الترقيم الدولي : ٨ - ١٢ - ١٧٧٠ - ٩٧٧

حقوق الطبع محفوظة

الإشراف العام :

محمد الحسنى

المراسلات :

٤٩ ش البطل أحمد عبد العزيز

٢١ ش الصناديلي بالجيزة

تليفون : ٣٠٣٢٦٠١

٥٧١٢٦١٨

فاكس : ٣٤٧٨٦٨٦

البريد الإلكتروني :

dar_nevro@hotmail.com

جمهورية مصر العربية

محمد الحسني

عباد الضل

شـر



نقرو للنشر

إهداء

إلى القصيدة ..

القصيدة

التي أنتظرها

لتضع الأرض على راحتيّ

محمد الحسيني

١٩٨٩

•

الدنيا حاضر ما مضى
بعتت نفسي في الفضا
على بال ما يرجع لى الصدى
أنا كنت عيّل ع المعاش

" فؤاد حداد "

الفهرست

الصفحة	
١١	تفجر
١٧	الخوف
	الضل
٢٣	" إلى فؤاد حداد وصلاح جاهين "
٣١	ناموسية
٣٧	أربع صور فوتو شعرية
٤٥	موناليزا
٥٣	موسيقى
٦١	قصائد قصيرة
٦٧	المدى
٧١	وجاعه

تابع الفهرست

الصفحة	
٧٥	العطش
٧٧	* مرمر
٧٩	* دم
٨٢	* غنا
٨٥	* عليل
٨٧	الجوع
٨٩	* شوف
٩٣	* شرنقه
٩٦	* خروج
١٠١	ولادة
١٠٧	مقاطع م الغياب
١١٧	انتظار

تفجر

”

تفجر ...

م تسكتش تاني

وبعتر خلايا : السكوت /

المعاني /

الكلام المباح ،

في قلب الحدود المباحة

لكل الأمان

وخارج نسيجك

هتتحذف وترمى

هتتحذف وترمى الحمول / الخزين المطوعم

وتتم

وتمت بكل اللغات
تحرك عرايس حلاوه وحصان
وحسبك بأنك تكلم جميع العرايس
وترسم ، تشكل جميع الوجوه .
وتأخذ من الضل سمكه
وتفقع عينيها في عين الحسود

معلق على الصدر كعبة
تجاجع جميع الطيور
: تنزل ..
وواقف على صخرة صلبة
وراسم على الصدر جنة تجانس

: تفرد مع الأرض ذره بذره

وساعة تهلل جميع العرايس

تفجر ..

م تسكتش تاني .

الحنوف

في الوقت الحرام
كان كل شيء مباح
حتى انفلات الرحم
ماكنش ...
غير انفلات مؤقت
ياتكسب عرقك النافر
ياتخلى لون البحر نار
ياتسجم في قولة حرام
وتزلزل الأوجاع
انت ابن مين يا ولد ؟
- أنا ابن الهوى ،
الليل عشقني قبل ما يعشقتك

والنوم كان جوه هوه
قبل ما الديك بينيهك
منقاره كان سكر نبات
واهمهمات فى الليل بصوت مفضوح
شباك هدومنا كان منقوع
ياهلترى نقفل همومنا ع الحدود المشتهاه ؟
ولا بنايع صوت الناموس .
- أكل الطاووس أحلى فى الزمن الحرام .

نايم على جمرتين من تلج .
الروماتيزم فى العرق سايح
ريجة العرق : كان كله شهوه

في النخى كان النفس رايح
وانت على شهوتين من نار
الانتظار
والرغبة
صوت الجيران ما صحنيش
الخوف في قلبي كان لسه سارح
(وما زال لليل بقية)
ولما انتظار النهار المباغت
يشكل معالم خيوط الراح
المهاجم لصدرك
تأكدت إنه عيدانك قوية
برغم السنين العجاف اللي مرت ومسكت سنابلك أيديه

تأكدت إنك عجوزة وعفية
فهاى عصايتك ... وشقى همومى
وهاى عصايتك ... وشقى همومى
يساقط عليك
عناً شهياً

الضل

" إلى فؤاد حداد وصلاح جاهين "

قبل المحاولة

كان فيه فنار

لونه بلون العيون السمر

إشارات البداية مسار

ع الرمل كان ضل النخيل سارح

يزغزغ الودعات

يكشر التمر

كان البلح غيار

(يانسمة هزينة

ع المركبة الصبى

لا قبلى ، ولا بعدى
ومعلق السره
على سباط نخلى)

مال النخيل
من غير ما يرمنى
خاصمته بالحضن
مخاصمنى
.. حولى طرحك غرامى
قبل انصهار البرد
النوة خطفانى
عيل فى عز المد

وعروسه تستنى

قالعه هلدوم الشط

الرملة عريانه

م تكفينش شرب

-.-.-.-.-.-

لما مسكت القلم

كان النهار ابتدا

قفلت نور البيوت

فرشت ستاير دمنا

كان النهار سباق

لاونه كان م يجيش صدف

خرجت للشارع

أيدي تلاعب شعر البنات
الأمهات صرختن فيه
الأمهات ماماتن
.. أزحف على الرمل تاني
أعمل لحناق القلوب عش
كنت ساعات ولى
وساعة منافق
لما سألنى : الصبح كام ركعه
سكت .
ماجوبش .
لعريك
لزهدك

لظهرك
لجريك وراك .
صراخ في ضلك .. هلاك .

ناموسیہ

محنى قدامك
وبعد ضوافرى العشره
أخربش وشك
أنا لم
أباهى .

شئ فى ملامحك
بيعلمنى أبارح طيفك
أتصور أنى عزول
وانت بنات الحور
المطفية جنب غيطان الساحه
بتعلمنى ، أدور

أهرب منك
بتعلمني أعاود تاني
أرمي حصاني على تكاية ناب الغول
- شيء في ملاحك
بخليني أهارد عقلي ، وأساحك
: سامحه
سامحه ياربنا سامحه
ارجع عني
اركع عنك

- ويرجع خوفي مكانه

يرجع شوقي ، أشوفه
شادد حيله
سادد ودنه الثانيه بايده
سادد .. سادد .. سادد
أخرس
أعمى
أصم .. بشوفه
وعبال ما بلمه
إتبعتر تاني
وحلفت ان جاني
لادبح له ديكين وحمامه
وأرش الميه على البوابه

یتز حلق
یتکسر
مایعاود تانی .

أربع صور فوتو شعرية

سفر

لما سافرتك

كان الطريق واعر .

وانا شايلى على اكتافى البشاير

قلبي كان ضامك

قلبي كان همك

قلبي كان زامك

إن تنفرط منك

ما اوطى ولاملك .

برواز

عدلتك على القبله

نمت جوایا

ف مرایه فضه

ومرایه مفیش

زغللت عینینک عیون الحرافیش

یاهلتری تمشی ؟

ولا اتعطی .

أعمى

ما كنتش بيعرف فين راسه
وفين رجله
كان مادد كل إديه ..
في الهوا ، طايح في الخلق
لاحد ..
شد إديه على جنب
ولا حتى حرك ساكن
كان متعود إنه يعيش في البر ...
الحر .
في الوقت الداخلى ، يتلون بالألوان السبعة

واما بيعمى ،
يتهد ، يطوح بالخلق فى كوايسه
يزرع هاجهم ، عضم الرجلين
يتشد ...
لقوله : "آى .. حاسب"

انتحار

انتحار الهم

فوق سفح الجبال .. اتلم

ماعدش فيه غير بقعتين الدم

واحد بلون الهم .

والثانيه بلونك

دنا عومى غير عومك

لا بر فيه ولا يم .

موناليزا

"مونالیزا"

مونالیزا

انا لا أملك أن أعطيك ، سوى أغنیتی

قد یمدحك سوى ، فیرفع قدرك

ویوفیک ،

فإلیه اتجهی "

"جوستاف فرودنج"

عيون وحيدته مزوقه
فوقها الرموش ميتين
موت بالحيا
تحت الحواجب مصلوبين
البصه زايغه مبهوقه
لمين ؟
لافي الشمال متحده
ولافي اليمين
موناليزا
مدى شعاع البصر
كيوبيد ماجاش
مات برحلة سفر

ما بين هود القمر
مخنوق بعود برسيم

أنا من زمان نفسى أعشقك
يا حلم متحزم بإيدك
آن الأوان تطلعي
بره حدود براويذك

يا مجد ليه
فوق الشفايف شمع
نزل الضربير يلضمك
برعشة الحرف اللى جوه

اترد له السمع
يا مجد ليه آن الأوان تطلعي
إبنى الرضيع باكى
دمعتين على
ولا دمعته وصلاكى

-.-.-.-.-

حين التهيج فى الارتعاشه الأولى
لون السواد واصل
لما عمود البكى محنى
كانت العجوزه قاعده بتناضل
ياطيارات من ورق
بين السما والأرض

متعلقين

فارده دراع الصبي

على مدتين

مدا يمين

بالكهين متحزمه

ومدا شمال ساكتين

قاعده العجوزه قعده الصلا

(ياطيارات من ورق

نازله رموش السما عنا قيد

عاودتنيش في المرحه

عاودتكوش كتاكيت

درادير سنان الولد

بين الحيا والموت)
قاعده المعجوزه بلا صلا
لكن بتتسم
لما السحاب
في رعشته الأولى يتسم
كانت المعجوزه ،
وهي واقفه بتتسم .

موسیقی

دخولى ...

- إيقاع الموسيقى فى جسمى - انسيابى .

خروجى ...

- لعالم وجودى البدائى - سماوى

فى شكل التوحد فى ذاتى ..

حروف التهديد فى ساعة مجيك أمانى .

وفوق احتمالى ...

بشكل معالم خطاوى تضمك لبعدى الأمامى .

نفتح طريقنا لحد التساوى .

برودة صقيع الوجود اللى بادى ..

بتدخل ، تشارك كيانى .

فبرفض زمانى .

- أشوفك بعين التوجس جمادى

يفوق التصوت لسانى

افرط حزامى

واعاود بنشوة خيالى

دخولك لحالة قهيج أسامى :

جنايز

موسيقى

اغاني

فصول التارجح لحد انفصام الطبيعة ..

بترسم خطوط التوازي

بعنبر مرشق فى موضه مباشره ...

بيرضع مجارى .

كيعاني بترشق في جسم المراهقه

أحرك وداني

بعقرب موازنه بحرك وداني

ف برفض حليب القواني

-.-.-.-.-

- مسحت العريض الملقى

بصدر افتعالى

رمىته التهكم

وجبت البرارى

محنك وشايل عزالى

أخضر خضار الطريق الموازى .. لصحرا افتراضى

أرقص حواجب مزيف بيرعش قبالى

أفرمل ثواني
أشد الثواني ... تعرى اكتسابي
رميت المثني بفرض ابتهالي
فيفلت زمامي .
- براقب حضورك في لحظة خروج المسيح
خروجه انسيابي
ينعش خيالي ،
- تكشف إيقاعي ...
في محنة دخولك لحالة تصلب .
كثيبه الأسامي
بترقص قبالي ...
تثبت خيالي

أفوت المعادل
وارمز مناضل ... يبيجى فى تمامى
أفكك معالم أصول الحقيقة
بشكل ابتهاجى
يناسب خيالى .

قصائد قصيرة

نن عين البحر كان مطفى

نن عين البراح سد

لامد إيدجه القمر يخطفى

ولا النجوم تعد .

الأرض مش مفروشه بجي

الأرض مفروشه عنب

شيل اللمون من جني

حط اللمون في لعد

إنصاص عباد الشمس
الواقع فوق خيالات الظل
بتبارك هزاز الوسط
النائم في غروب الشمس
بدخول الليل الواعد
تساوى الروس
وجاموس مبدور في الطل

المدى

نقط عصافير مجنحه
الريح ... مشرخه : شجر
عواطف
اسئله ..
محفور في ريمه زهره
شجر الزيتون عزف لحن البكا
بين الغصون أجنحه
تلقط الحصى
تشكل اسمها
عنوان على باب الرياح الأربعة
ياه
يا برتقان لونك دفا
عوافي ع الوفا

وجاعه

الوجع مفرد

الوجيعه مفرده

المواجه كثير .

نصب حدودك

مهد للإرتخا

إبعد وطير

انظر حدادی قریبه

انشد جميل :

"الوجع مفرد : إنشطر

مفرد انتظر

مفرد انتصر

مفرده ، بتغير"

ابنى حدودك من جديد
ارقص ايقاع الاسئله
عدى على الوجع البعيد
سمى على الخد النهار
ابنى مزارم الوريد
سهل فؤاد الارتخا ..
عنى عليك بالبعد .

العطش

* مرمّر

* دم

* غنا

* عليل

مرمر

إنشق الملكوت عن طين
بين جبلين
اللحم استرسل في الأجماد الستة
كون ميه
تكفى عطاشى البر ، تنقط جوع ،
واسع ...
كما شلال العطش المزمّن فيه
مارد بسيع ترواح
وعنين امبارح ... ساطعه بروح البركه
المنسى عاود صدى أصوات البوح
ارتعش الجبلين على صوت مزيكه ، ورقصه

رقصت صخره طول الليل .
ارتعش الجبلين على شهوه
فض بكارة العذرا
فرد الجنه ، خلق مرمر
بارد ...
كما أوقات العتمه .

دم

خارج من الفرض والسنة
شايل على جبينك .. علامات تعجب ، أسئلة
في الارتحال ، والمسافة المعانده .
في الارتداد لمسمعى ... صوت المناهده
أوقات كثير بتخشنى
(أنا ليه بيسبقنى النبى
بفرسخين
أنا ليه بيسبقنى الولى
خطوه)
خطيت أنا على باب ضريح بالك

وسحبت فوق نجمتين ... نجم ... غناالك
نازف ، وف قلبي ترحالك
طلق الولاده مش زى طلق النار .
السما بتنطبق على الأرض
كل الوشوش بتنتهى
- إلا أنا .
شايفك على جيبى ، وع الأسنله
مدار بيرتعش فى المدد
الشمس مش دفا .. الشمس نار
دخل البارود نى القمر ... بكى
نازله النجوم انتحار

لا الأرض شالت حلها ...

ولا الفحم

غار

غنا

السما مش وردده ... الأرض فم لعقربه
واقفه الخلايق تشاهد المعجزة
متجمعين ع الجبل ... إبليس على دماغ القافله :
في وسطها علامات أمان خارجه
ع السرير بقع دم ، صوت والده
(كان السرير مفروش بجنيه)
قاعد عجوز بيحضر الفاتحه
عجوزه على عكازين مستحيه
بدأت ترفع صوتها وتغنى : هو ووو ...
وقع الشيطان / فحل الجاموس منى .

في قرنفله ، لف البساط شالتي
(آمين ياتين)

يا دم دلح في الجنين ،
المستكين على كمي ... فلق القمر نصين
انا منتظر مين يتزلي .
كان الصباح ... ما جاش ...
حصان ، براح ، خلا
خافت الجمال م الجل جلا
الساكنين في الخلا ...
رقص لهم سقف السما

لاحد فيهم صحى ،
ولاف نومه اتنى
(آمين)

ياموزع البركه على توب اليتيم
ومجمع الأمم
فى طرف المندره

عليل

واقف على صوت انتظار الملح

عليل .

بصوت عريض ، والحبال واسعين .

أكاليل خضار متمردة في صدرى ،

حالفه لبرى ما تيجى

بتنقل الملح لوريدى

حباً ...

سباً ...

عليل ، وبركب الموجه ،

بمد إيدى للفرق

... مرخرخة الإدين

بدارى عينك فى عينى

... أنتظر

ع الخنجره ريتى مش هنا .

بعيد ..

بسمعك هسهسه

لا برتتش ، ولا بعاود للدفا ...

فى الفراغ حجيت

طاير بي طير ضرير ، أعدى بيه المدى

جناحات حرير دى ، ولا ضفاير نسا

يتزل غراب م السما .

يعلمك طهارة الجسم العليل .

الجوع

* شوف

* شرنقة

* خروج

شوف

عيون المها - للخيل العربية -

في المشربية ...

مستنيان .

أنا البعيد عنها

في الضميتين والنقى يابى

حطيت على رمشها ،

الاجوبه معنداني .

المشربية فوق في العلالى

مديت اديه اطلع لها

فرت ضفيرة شعرها

مسيلمه بمقص حامى

فاتح إديه على وسعها

ينده لها

ترضاني

فتحت لك ضرفتني مني

دخلت لك طير أبيض ، وجني

- اسندني على صدرك الدافي ، يعني

جلجلني

دوخي

فوقي

عربي ... سرسبي

عربي وابدرني

عواقي ع اللى مش هنا

عوافى ع اللى فى الننى
فارد خيول الحلم ، راكب فرس

- - - - -

ماسك فى ايدك ربابه من غير وتر
يامين يسمعك ، ربك ستر
الصحرا مفهاشى مصطبه
حامى حى الزيزفون والجنه
فريت على مهر العروسه للخلا
الريح مستبسله
على صخره عاليه قزها
تطلع ديدان فى حجمها
تبلعن ، يرجع شرخها

حيثان بتولد نفسها
آدم وحواء في العرا
زمهير بياخذ شهر طوبه ، يطوحه في الأزمنه

شرفقه

باب اليمامه إتنفل
بضبتين وخيه
ياصوتك الواسع عليه
هفهفات ريح ، مزعبيه
شرفقت نفسى فى الضحى
(آمنت بالصومعه ... والمشى ع الميه)
سلمت أمرى فى اتجاهك
سحابه ... مهدى / ليه
المشى فى الحفا للدفا
صوايع تعد بعضها
تسوى شعرها

تشدها

لصوتك لولويه

الرملة حافيه تحت رجلك يا صبيه

مسافه البكى للبكى ، حيه ...

مجنحه

بتوزع الأضرحة

جمجمه

عظمه

عبايه سوده مشرقه

براكى أنا

مخنوق بريحة قرنقله جايه

بمد إيدى للسطور المنطقيه

أشم إسمك / أنكسفلك ...

قمر في ضي المغربية

ياه

ياصوتك الواسع عليه .

خروج

فتشت عنك في الرباط الاحدى
أنا المسيح بالعطور
صوتي الجهور ...
كان حدا ... ثم انطلى على مبعدين ..
الوعد ..
والموعد ..
وعاده أو مسترسله
أنا منتهى الإخلاص
أسخن من البرد الوفى ...
فى دم بوذا

مسافه واحده للحزين

النيش في الحجر الكريم

- يساوى

موت

عدل

طين

(حطيت رموشك فواصل)

- سمعنى صوتى البرئ

الحابل / النابل

أصوات كثير ادغدغت على سنى

أنا منتهى الإخلاص

- وسطنى فوق ...

لا معنى إنك تجمعنى
مرفوعه عنى عبايه ، فى الزمن مادته ...
يلزمنى الرجوع
- لما الهلال يجليها
مرسوم على خدى ...
يامرطه الأنجم ببعضيها
سلام الرفع فيه مجريها
من وشمك بالفرار
- هتنام على قدى .
فى رعشتى حدى ..
موزع الفوج الملوح بالسلام
أنا المتيم بالحمام ..

حدين ، بيننسم حدى

- سمى .

ادخل على مهلى

عريض جناحى ومتخبي ...

لباب السما المفتوح .

فى سخونه النى ...

يندهى :

جاء المسيح بالعطور

ولاده

إلى ابني أحمد ..

زهرة تفتح في ليل الكائنات ..

إيقاع :

ماشى ... على بقعتين دم ولبن

مضفـره رجليه

ابريل / شهر الدخول للمشى بشويش .

أول ما نبـدى القول

إفتح ذراعك ضمنى فيه

يا ضمتين فى اللقا ... طعم الحليب

انت غويط

ولا حزين

بُنى :

الفرق بين المسافه الضيقه

والمسافه المسافه

دخولك لعرش التحدى / البيات

خروجك خروج البطيء

دليلك خيالك فى ظل الطريق

ياواحد وحيد

بترسم علامة تعجب

على رملہ بارده

أوان الحريق

تشكيل :

بتغلب في جسم المسافه

لحد ابتداء الطريق

تشكل علامه .. وتنسى علامه

بتكسر حدود التمني

بتدخل بإيدك لحد الخلود

معلق نجوم ارتعاشك ... وداخل وحيد

بتركن في قلبك مساحة تغطي الوجود

عداله /

سماحه /

ورود .

بترفع ، تعيد المسافه .. مساحة فراغ

تعاود تشكل مسافه مسافه
بتضغط تشكل مساحة كثافه
بترجع تعيد من جديد .

مقاطع م الغياب

(لما نويت الخروج ..
حجمت نفسي بشر
حتى تساعني البيوت ...
الشوارع ..
المدن .)

مريح خلایا نسیج الكفن
فی اتجاه الوثن ..
صریح -
جبه بلون الضریح ...
المریح ...
عصافیر فی الصحرا مسرعه

مسرعه للمدى

المشتهى

- عنقايد عنب

- خوخ مغطى بالندى

- تفاح ومحشى بفردقه

- أنهار حليب .. مسرسيه

- حور ..

(من الأزمنه المستبده فى شكلها)

- غلمان

- عبيد

- طوفان

- حديد

- دهب .. عقيق
- مزار قديم لشيخ ولى
- بيان من الحشب الطرى
- واجهات بيوت مزوqe
- أهمه
- وسع
- فسح
- أمومه براح شايله طفلها .
- بسمه وديع على صدرها
- بكا
- حكاوى وقت اللقا ..
- والملتقى جوه البراح

وارب ..
فيه سد يقرب في باب الذاكره .

(بير غويط ييشدين
للملتقى نفسى
عربى ، تلقى سراب
ردى ، وامشى ...)

تسقط ريش النعام ،
أغنى
قبلنى ع القبله
واسبقنى فى دمي

أنا همي كان همام
المستوطنات ذمي
- سمعني صوتك ، وعلى

صخره بلون الضريح
الموت الفصيح ..
لوعني
مرجح خطوط البراءه ، ثبتها يمي
مسكينه كانت عليه
رفعت إيديها تمزق
خرجت طيور بريه تشبهني
- الواسعات العيون

- الديقاق الجفون

الغاويات النبش في جفني

نبشني

فتشني

قلعني كل الحلق

وزعني

زمزمني

واطلق خيول دمي

أنا مشتبهه البراح .

(أنا قلبي كان زنان

صبح منسى

اطلق لي عرض المكان
وسع لي أمشي
فارض بأي عدول
مصلّي ع النور
رماح خيول بضه
ركيب بصر مهول
العسل كوكبه راخيه
كواكب الحور : بور
ياسور مجتح لي
لم التباريح ، دور وفتح لي
عرض المسافه الفراغ
إنشد صدى إسمي

أنا رسمى محفور على إسمي
لميت صخور من زمن محني
وشوشته ، لمح لي
: إمشي مستور .
عديت خلا مرمي
عدلته بريش لي
غنيت له : سمعني صوت البتول
نادى ع السما ، تفتح لي
جاء المسيح بالعطور .

انتظار

أنتظرك ... يمين يافا
ورده من الوسيط الوسط
عرافه
بعين نحافه
ماسكه في إيدها الولد
على سرته طوافه
موشوم بوشم عجب
في دماغه صفصافه
هفافه
ما ترميش بالخرافه
واعدل كلام الأدب
قولى :

أنا الذى هل المدى حين طلى
جسمى لا يحتمل كلى
واقف على حد الزمن
صوتى كمن ، زمن نظره
أبليس على هامش القدره
الكر / فر
بحر شر ..
بيطاً فى الحضره
هدير ، إن كمن هدير
من شلالاتك الحضره
يا صوت كبير ... أنعمت
على المدى أدرى

بنتظرك يمين يافا
أحبك إيديك على ضلي
لا تقولي : "قولي"
أنا ابتديت حره
جرايه واقعه على شرف تلي
تدخلني بين المسافه
بنتظرك يمين يافا .

